

Шочмо эл, порылык да чын верч!

Будь готов!

3-шо (3547) №,
2022 ий 21 январь,
кугарня.

Имде лий



1933 ий 1 февраль годсек лектеш.

0+

Шўдырла волгалт, тўвыра



Фотом школ архив гыч налме.

2022 ий –
Российысе
калык-влакын
тўвыра
поянлыкышт
идалык.

Калык-влакын тўвыра поянлыкыш-тым аралыме шоньмаш дене Советский район Ургаш лицей «Пампалче деке унала» республикысе сетевой проектым эртарен. Сегыше-влак радамыш Советский район Өрша школын «Чолга шўдыр» командыже (снимкыште) лектын. Вуйлатыше – тўналтыш класслам туныктышо Т.Н.Нагаева.

– Йоча-влак калык семўзгарлан шўман улыт. Марий тўрым, йўлам шымлаш йўратат. Нуным ИКН урокышто Роза Геннадьевна Антропова кумыланд. Урок деч őrдыжысў пашаштат тидлан тўткышым ойырена. Конкурсышто марий кочкышым, марий тўрым, усталык номерым ончыктенна. Чылажымат шўдыр дене кылденна, – ойла Татьяна Николаевна. Удыр-рвезе-влак марий тўвырам ончыкыжым шўдырла волгалтараш тўналыт манын ўшанена.

Х.АЛЕКСАНДРОВА.

Лотерей

Йольчын озажым пален
налнеда? 7-ше
лаштыкым
шергалаш
вашкыза.





Пайдале танасымаш

Арбор школын командыже (снимкыште) «Икымше польш» республикысе танасымаште вийжым терген. Ёдыр-рвезе-влак шўм шогалме, кукшылогарыш кайыме, кидурго пудыргымо да моло туткарыш логалме годым икымше польшым пуэн моштымаштым ончыктеныт. Максим Иванов,

Илья Семёнов, Станислав Васильев да мый 10-12 ияш-влак коклаште команде дене сенгышыш лектынна. Йоча да самырык-влаклан пайдале танасымашым эртарымыжлан «Роза ветров» рўдерлан таум ойлена.

Ангелина ЕГОРОВА.
Марий Турек район.
Фотом школ архив гыч налме.



Увер

Юл кундем федерал округысо «Театральное Приволжье» йоча да самырык коллектив-влак фестивалын окружной йыжыгже тўнгалын. Финалыште 28 коллектив тангаса. Медведево посёлкысо «Дебют» йоча образцовый театр «Праздник непослушания» спектакльым аклаш луктын, а Оршанке посёлкысо «Спутник» образцовый самырык театр – «Наташина мечта» спектакльым. Нуным театральное-приволжье.рф сайтыште ончаш лиш. Сенгыше-влакым 27 мартыште Ижевск олаште палемдат.

изаж гай тале ечызе лияш шона. Софья «Йўштö кугузан пöлекше» республикысе танасымаште ече дене вийжым терген да кумшо верым сенген налын. Изажат Волжск олаште эртаралтше Марий Элын первенствыштыже да чемпионатыштыже ший призёр лийын. Йолташ ёдыремлан тале спортсмен лияш да кугу сенгымашке шуаш тыланем.

Софья СМЕРНОВА.
Параньга, Кугу Пумарий.
Фотом школ архив гыч налме.



Историйым шергалына

1944 ий 27 январьыште совет войска Ленинград олам блокаде деч тўрыс-нек утарен.

Российыште ты кече Воинский чап кече семын палемдалтеш.

Тунемше-влак «Блокадысе кинде» всероссийский акцияш ушнат. Марий Элыште «Армийысе челодан» мероприятий лиеш.

Изаж гай тале

Софья Веселова (снимкыште) 1-ше классыште тунемеш. Ванюш

Российысе увер

Москосо Сенгымаш тоштер да Российысе «Юнармий» толкын «Защитники Отечества» всероссийский сўрет конкурсым эртарат. 23 февральлан пöлеклалтше открытым сўретлен, 6 февраль марте колтыман. Тўрыс увер – victorymuseum.ru сайтыште.

5-17 ияш ёдыр-рвезе-влак, «На наших знаменах начертано слово «Победа» всероссийский усталык конкурсыш ушныза. Йодмашым tatiana@stranadetstva.ru адрес дене электрон почтыш 19 март марте колтыза.

Телымсе XXIV Олимпийский модмашлан пöлеклалтше «Привет, Пекин!» усталык конкурсыш ушнаш шонеда гын, пеледышым але аршашым пидса. Фотом ыштен, #ПриветПекин хештег дене кеч-могай соцкылыш 4-20 февраль марте верандыза.

Марий Элысе увер

Республикысе йоча да самырык-влаклан В.Х.Колумб лүмеш книгагудо «В Тридевятиом царстве» республикысе сўрет конкурсым увертарен. Тушко 6-15 ияш ёдыр-рвезе-влак ушнен кертыт. Йодмаш ден пашам rubcolumba.ru сайтышке 3 апрель марте колтыман.

21 январьыште Марий Элыште оборонно-массовый да военно-патриотический паша месячник почылтын. Тудо 23 февраль марте шуйна. Ик тылзе жапыште ёдыр-рвезе-влаклан тўрлö мероприятий эртаралтеш.

Марий режиссёр Денис Шаблийын «Не Иван, или Как приручить богатыря» фильмже «День короткометражного кино» всероссийский акцияш ик тангасыштыже сенгышыш лектын.



«Школьник-влакын росси-йысе толкынышт» (РДШ) йоча да самырык-влакын мер-кугужаныш организацийыштым 2015 ий 29 октябрьште Россий Президент В.В.Путинын кўштымыж почеш чумырымо. Ты толкынын Марий Элысе пўлкаже шке шочмо кечыжлан 2016 ий 19 апрельым шотла. Тудым Йошкар-Оласе 29-ше номеран школын директоржо А.И.Кузнецов вуйлата. Марий Эл Республикысе 185 тунемме тўнеж Школьник-влакын росси-йысе толкыныштын программыжым илышыш шынгдарен толеш.

Изи
ошкыл –
кугу
сенгымаш



Усталык шўлышан вий

Республикысе пўлкан пашаж нерген координатор Л.В.ЛОСКУТОВА (снимкыште) дене вашлийын мутланышна.

– РДШ-ын программые личность семын виангме, гражданский чолгалык, военный да патриотизм, увер да медийный направленийла гыч шога. Но кажныже эше тўрлў йыжыным уша. Мутлан, тунемше спорт дене кылым кучынеже – чыла йўн уло. Пўртўсын йолташыже лийнеже – нигў чаракым ок ыште. Икманаш, ты толкыныш ушнышо кажне йоча шкалан келшыше пашам муын кертеш.

– Лариса Вячеславовна, РДШ радамшыке ушнышо йоча-влак гына конкурслаште, мероприятийлаште усталыкыштым терген кертыт мо?

– Кушто илимым, могай школышто тунеммым ончыде, кажне тунемшын ушнаш йўнжў уло. Тидлан кумыл гына лийже. Тўн йодмаш: йоча 8 ияш лийшаш да ача але ава дене пырля РДШ-ын сайтыштыже регистрироватлалтшаш.

– Палаш онай, республикыште мынар икшыве ты толкынын ежжылан шотлалтеш?

– РДШ радамшы йоча, тунуктышо, ача-ава-влак уш-

нат. Кызытеш вич тўжем утлаен регистрацийым эртен. «ВКонтакте» соцкылысе «РДШ/Республика Марий Эл» тўшкашат тынарак еным авалтыме. Но палемдыман: толкынын эртарыме конкурслаш 30 тўжем утла икшыве ача-ава, тунуктышо-влак дене пырля ушна. Кугыен-влак, толкынын радамшытыже лийын, «Корпоративный университетыште» ешартыш шинчымашым, методике пылышым налын кертыт. Чолга ача-ава-влак «Родительское крыло РДШ» сообществом чумыренит. Школым тунем пытарыше-влакын «Крыло выпускников» тўшкашт уло.

– Республикысе могай школышто але районышто увер да медийный направленийлан поснак тўткышым ойырат?

– Тиде пашам кажне районышто, олаште шуктат. У ий деч ончыч эртарыме «Медиахакатон» фестивальыш 100 йочам чумыренна. Нуно возымо да войзымо пашам чыншытыме нерген шинчымашым

налыныт. Марий Турек район Мариец, Курыкмарий район Эмансола, 6-шо номеран Морко, Медведево район Руэм, Руш Кукмарий, Кужанер район Руш Шой школ-влакын, Коркатово (Морко район), Звенигово лицей-влакын да Йошкар-Оласе икмынар школын поснак чолга улмыштым ойырен каласаш лиеш.

– 2021 ийым иктешлен, РДШ-ын Марий Элысе пўлкашкыже ушнышо йоча-влакын эн кугу сенгымашым ден палдарыза.

– Эн кугу сенгымаш – РДШ

ешнан кажне ийын кушмыжо. Кажне конкурс – тиде у шинчымаш, йолташ, йўн да ончыкылыклан ўшан. Йошкар-Оласе Бауман лицейын командыже «Киберлига» спорт танасымаште Российыште 2-шо верым сенен налын. Советский район Кужмарий школ гыч Настя Орехова Всероссийский спорт фестивальыште иктанашыже-влак коклаште кокымшо лийын. «Лига вожатых» всероссийский конкурсын ик танасыштыже Йошкар-Оласе 10-шо номеран школын вожатыйже Саша Сошина сенгышыш лектын. РДШ – тиде вий, усталык шўлыш да сенгымаш!

Л.ГРИГОРЬЕВА мутланен.

5-9 январыште юношеский СМИ да киностудий-влакын «Волжские встречи» тўнямбал фестивальышт Озангыште эртаралтын. Медведево посёлкысо «Смайл» студий (снимкыште) «Здоровый образ жизни» танасыште Гран-прим сенген налын.



Фото-влакым Интернет гыч налме.

Ончыкылык гроссмейстер



**Ф
И
З
К
У
Л
Ь
Т
-
У
Р
А**

Никита Милютин (**снимкыште**) – Советский районын ик эн тале шахматистше. Тудо Вечын школын 4-ше классыштыже тунемеш. Йочасадыш коштымж годымак шахмат дене кылым кучаш тўналын. Советский посёлкысо Йоча усталык пörтыштö мастарлыкшым ик ий наре вианда. Тренерже – Э.В.Данилов. Йошкар-Ола гыч тренер А.Б.Темнов дене Интернет полшымо дене тунемеш.

– *Мый гроссмейстер лийнем. Мыланем Магнус Карлсенын модмыжо моткоч келша. Лишьыл жапыште кугыен-влакын шахмат дене кумшо спорт разрядыштым налнем, – оила рвезе.*

Никитан сенымашыже ятыр. Кызыт 5 шөртнө, 7 ший, 3 той медальже-влак, кок кубокшо улыт. Умаште 1, 2, 3 юниор разряд-влакын нормыштым шуктен.

Х.АЛЕКСАНДРОВА.



ФОТОМ ЕШ АРХИВ ГЫЧ НАЛМЕ.

Лий йолташ

Теле толын, ош лум велын.
Каена ме, лумым келын,
Курыкышко мунчалташ.
Кўшнö тый кылмен ит шого,
Шич издеришке да воло.
Лий тыят мемнан йолташ,
Пешак сае мунчалташ.

Максим КУЧЕРОВ.

1-ше №-ан Морко школ.

Мече почеш

Мый футболла модаш да тудым телевизор дене ончаш йöратем. Йолташем-влак дене урок деч вара уремыште, школышто мечым чумен куржталына. Школын сборный командыштыже мый капка орол улам, а кыдалаш командыште – покшелне шогышо нападающий.

Сева НИКИТИН.

Увер

4-20 февральыште Пекиныште телымсе **XXIV Олимпийский модмаш** эрта-ралтеш. Спортсмен-влак спортын 7 видше (15 дисциплине) дене тагасат.



Олимпиадын талисманже – Бин Дуньдунь панде.

Кужэнгер, Шўдымарий.

Карман курыкыш

Мый Муналмаш ялыште илем. Ик кечын йолташем-влак дене, ече ўмбаке шогалын, Карман курыкыш каяш лекна. Тушечын Арын, Овдасола, Кокласола, Олыкъял сайын койыт. Кугу курык гыч мунчалтен волымо

годым чонештымыла чучеш. Ече вуйым тура кучаш тыршена. Нуно пуйто тагасат: тебе иктыже ончылта, тебе весыже писештеш. Мардеж пылыш воктене шўшка веле.

Марат СОЛОВЬЁВ.

Морко район.

Хоккей – онай модыш

Теле пагытым пеш йöратем. Тыгодым коньки дене мунчалташ лиш. Мемнан селаште хоккей площадке уло. Тушто хоккей дене модаш тунемына. Мемнам тренер Александр Петрович туныкта. Тудо поро кумылан, сай туныктышо. Хоккей команде дене тагасымашлашке ушнана. Мыланна келша.

Роман САМАРЦЕВ.

21-ше номеран

Семёновко школ.

Йоча-влак, погынен, ий ўмбалне хоккей дене модына. Эн ончыч кок командылан шелалтына. Эх, вара тышке-тушко куржталына вет. Кажныжын ик кумыл: сенаш! Эре понымо семын ок лий, но ме уло вийым пыштен тыршена.

Никита БОРИСОВ.

Морко, Коркатово.



Ечызын корныжым сўретлен пытарыза.

Куанен коштам

Мыланем физкультур урок келша. Тудым Олег Алексеевич Шулепов туныкта. Урок деч вара тренировкыш куанен коштам. Ме куржталына, гимнастикым ыштена, тагасымашлашке каяш ямдылалтына. ГТО-што кўкшö лектышым ончыктымемлан икымше степенян значок ден удостоверенийым шукерте огыл кучыктын (**снимкыште**). Ончыкыжымат тыршаш тўналам.

Кира ВЕСЕЛОВА.

У Торъял, Токтарсола.



Шўм шокшо кажнылан сита

Морко район Нылкудо ялыште илыше Анатолий Николаевич ден София Григорьевна Кузнецовмытым ял калык пагала. Поро кумылан ватемарий ынде кумло вич ий ваш келшен илат. Нуно индеш икшывым ончен куштеныт: шымытшым ашнаш налыныт. София Григорьевна тулык да ача-ава деч посна кушшо йоча-влаклан Морко район Октябрьский интернат-школышто руш йылмым да литературым туныкта. Анатолий Николаевич тазалыкше начарлан көра сурт коклаште сомылым төрлата.



марий пайрем йўла-влак дене палдарат.

– Мый иже-жат шуко шочшан ешыште шочынам. Йоча жапем Марий Турек районысо Косолап селасе интернатыште эртен. Сандене ача-ава деч посна кушшо икшыве-влакын чоныштышт могай шижмаш озаланымым сайын палем, – ойла София Григорьевна.



Фотом еш архив гыч налме.

Снимкыште: София Григорьевна – Алексей, Денис, Данил эргыже-влак дене пырля.

– Уло чоным икшывылан пөлеклаш тыршен, кеч икмыняр йочам пиаланым ышташ шонен, ешышке налынна. Эн ончык кок икшывым, Катя ден Сашам, каныш кечылан мөңгö конденна. Нуно еш илышым пален кушкыныт. 2014 ийыште ныл йочам, 2018 ийыште кумытым чыла документым ыштен ашнаш налынна.

Кызыт Кузнецовмыт пелен кок эрге ила. Изинек эмганен кушшо Данил – Анатолий Николаевичын польшкалышыже. Ачаж дене пырля чыла пörьен пашам ышта. Денисат вараш ок код. Тудо Октябрьский школын 8-ше классыштыже тунемеш.

Түрлө мероприятийыш ушна. Эртыше ийын Денисым ачаже мотоблок дене кудалышташ туныктен. «Ынде кеҗежым вольжклан шудым ике шупшыктен кертам», – шыргыжеш Денис. Ялыште паша ситышын. Кузнецовмыт ушкалым, презым, лудым, комбым ашнат. Мүкш омарташт ятыр уло.

Кугурак икшыве-шамыч ешым чумыреныт гынат, каныш кечылан, пайремлан ача-ава суртыш погынат. Эн вучымо да йоратыме пайремышт – Кугече. София ден Анатолий Кузнецовмыт икшывыштым Шорыкйол, Ёярня, Семык да моло

вышт семын йоратат. Кажне деке корным муын моштат, йолташ лияш тыршат. Тунеммаште полшат, пашалан туныктат. Ача-авам ончен, йоча-влак еным пагалыше кушкыт. Тидыже Анатолий Николаевич ден София Григорьевналан эн кугу пиал.

– Ача-ава деч посна кушшо, тулык йдыр-рвезе-влак дене 27 ий пашам ыштымеке, кажныже ижемынла чучеш. Но интернатыште илыше кажне йочан ача-аважым алмаштен огына керт, чаманаш веле кодеш, – ойла София Григорьевна.

Е.ИВАНОВА.

Мастар аваем

Арбор кундем Пабайнур ялеш шочын-кушшо авам чылалан мастар. Тудын ямдылыме кочкышыжо эн тутло. Авамын кидше эн пушкыдо. Тудо йочасадыште тырша. Кажне икшывылан чон шокшыжым пөлекла. Лишыл енем муралташ, кушталташ мастар. Ава – кава, ава – энертыш.

Марий Турек район.

Росина ВАСИНКИНА.

Синквейн

Еш
Шергакан, икоян.
Полша, улыла, сакла.
Илыш энертыш.
Вий.

Маша **ВАСИЛЬЕВА.**
Волжский, Сотнур.





Марий семүзгар

Түмыр – перкалыме семүзгар. Ожно тудым түрлө погынымашке, пайремышке калыкым ұжаш кучылтын. Семүзгар түрлө кугытан лиеш: кугу, кыдалаш, изи. Ожно кугу түмырым шала койышан ең-влакым туныкташ кучылтын. Кыдалаш семүзар дене мурыктен-куштыктенит. Изи түмыр йочалан келыштаралтын. Семүзгарым шукуж годым көргашан пистын, шопкен ужашыж гыч ыштат. Кок могыр гыч пий але презе шүштым шупшыт. Презе шүштан велым мурымо годым перкалат, пий шүштаным – куштымо годым. Перкалыме пангам пу гыч келыштарат. Вуйжым коваште але резине дене пүтырат.



Материалым

О.М.Герасимовын

«Народные музыкальные инструменты мари» книгаже негызеш ямдылыме.

– Илен-толын, марий йўла йомеш манын, чонем коршта. Тукымвозжым шергалын, тўрлө пайрем йўлам шарнен, марий модыш-влак дене модыктен, марий муру, куштымаш гоч йоча-влакын изи шўмышкышт порылыкым пышташ тыршем, – ойла вуйлатыше. – Чаманен каласем, пытартыш жапыште калык фольклор нерген пален налаш кумылан-влак шагалемынныт. Йоча-влакым



Совла дене сем шочеш

Пу совла – славян калыкын перкалыме семүзгарже. Тудо тыглай совла гай, но пенгыде пушенге гыч ыштыме лийын. Славян-влак совлам күтүштө, сонарыш кайыме годым перкаленит. Ял калык түрлө пайремыште кучылтын. Нуно, совым, совлам кырен, мурымо але куштымо годым семым луктыныт. XIX–XX курымлаште руш калык пу совлам семүзгар семын кучылташ тўналын.

Килемар район Арде селасе тўвыра пörтыштө пу совла дене шокташ Л.Б.Ибраева туныкта. Тудо «Ош пеледыш» йоча фольклор ансамбльын (снимкыште) вуйлатышыже. Лариса Борисовна ты коллективым марий калыкын тўвыражым арален кодымо шонымаш дене чумырен. 18 йоча коштеш.

йоталысе модыш, вургем але арвер сымыстарат.

– Лариса Борисовна, молан лач пу совлам ойыренда? – пален налаш шонен йодде шым чыте.

– Йоча-влаклан совла дене перкалаш оңай. Икымше урокышто кажныже ритмыш логалын кырен огеш керт гынат, кумылжо огеш воло. Тидлан тыршымаш да чытыш кўлыт. Удыр-рвезешамыч усталык шўлышан,

марте лиеш: нылытше икмарда, икытше кугурак. Совла кугыт түрлө улмылан көра йўк түрлын шокта, түрлө сем лектеш.

– *Музыкант-влак утларакше кум совла дене шоктат. Кок совлам шола кидеш кучат, кумышжым пура кидыш налыт. Кызытеш ме кок совла дене пашам ыштена. Ончыкыжым, совла-шамычым ешарен, у номер-влакым шын-*



Авторын фотожо.

келгынрак пален налаш тыршыше улыт. Тиде ончыкыжым кыртмен пашам ышташ вийым ешара, – ойла Л.Б.Ибраева.

Пу совлам икмыняр йөн дене шокташ лиеш. Совла-влак түрлө кугытан улыт. Ик комплектыште 2 гыч 5 совла

даш тўналына, – мутшым шуя туныктышо.

Лариса Борисовна 1-ше, 2-шо класслаште тунемше-влак дене куштышо ансамбльым чумыраш шона. Марий да моло калык-влакын куштымашышт дене палдараш кумылан.

Е.ИВАНОВА.

Йолъече вашка Кужэнгерыш



Лотерей

те увертарыме лотерей модышым иктешлеш жап шуын. Кажныже тун призыв, йолъечым, модын налнеже. Кӧ эн пиалан? Кӧ ий ӱмбаке шогалеш да коньки дене шер теммешке мунчалташ тӱгалеш?

Пушкыдо модыш да магнит – Э.В.Пекпулатова (Шернур, Эгермучаш).

Марий тӱран шӱсакыш да магнит – М.И.Порфирьева (Марий Турек, Ӱлыл Турек).

Н.Ильинан «Рышт-рошт ошкылына» книгаже да открытке набор – Л.П.Поликарпова (Кужэнгер, Йывансола),

Тун приз – коньки – Кужэнгер район Токтайбеляк селаште илыше С.С.Кошпаевлан логалын.

Черетан подписке тургым мучашлалтын. Эн чолга-влак 2022 ийын икымше пелийжылан «Ямде лий» газетлан возалтыныт да квитанцийым редакцийышке колтеныт. Подписчик-влак коклаш-

«Ямде лий» 2022 ий 21 январь

Лотерейын учредительже – «Ший памаш» сылнымут фондым вуйлатыше, писатель В.В.Краснов. Тудлан кугу таум ойлена!

О.А.Александров (Морко, Овдасола). **Наклейкан кугу раскраске да магнит** – И.А.Сапаев (Волжский, Сотнур). **Кувшин** – Н.В.Якимова (Татарстан, Мамадыш, Кугу Шия). **Салатнице** – В.В.Петровская (Морко, Кугу Шале). **Пазл** – И.Д.Тимирьянов (Пошкырт, Калтаса, Васола). **Киндерке** – Э.Н.Лебедева (Кужэнгер, Саламатнур). **Ледянке** – В.Д.Алмаметов (Шернур, Кондрач).

«Ямде лий» газет дене пырля лиймыланда кугу тау!

Тау, лум

Каникул деч вара школышко миен ом шу, шонышым. Агысыр йолгорным лум петырен. Пулвуй дагыт! Урок деч вара туныктышына мемнам куандарыш.

Школ воктенесе курыкыш мунчалташ нангайыш. Лумжо ошо-ошо, мамык тӱшак гай пушкыдо. Ме, лумышко камвозын, суксым сӱретлышна. Лум, тау тыланет!




Родион МАМАЕВ.

Кужэнгер, Йывансола.

23 январь – Почеркын кечыже.

Киддам лывыртыза.



М. ШКЕТАН ЛӰМЕШ
МАРИЙ КУГЫЖАНЫШ
ДРАМЕ ТЕАТР

23/01
11:00

Йомак
Кум ака-шӱжар 0+

КАССЕ 8(8362) 78-13-78 SHKETAN.RU

Ош ужга ден леведалтын
Пӱрт, мала пич чодыра.
Весела жап угыч толын,
Манына чылан: «Ура-а!»

Жасмина ЯКОВЛЕВА.

1-ше №-ан Морко школ.

«Ямде лий» газет
Тун редактор
Л.Н.ГРИГОРЬЕВА.
Индекс: П4696.
Тираж 1550 экз. Заказ
Формат – А-4-8.
https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше: yamdelii.ru

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий.

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.


Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме.
Номер – ПИ № ТУ52-01335,
2021 ий 29 сентябрьыште пуымо.

0+

Печатьыш пуымо жап –
14-00,
фактически – 13-00

Авторын да редакцийын шонымышт тӱрлӧ лийын кертыт. Серыш-влак мӱнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР Вооруженный Вийын 70-ше идалькыш урем, 20-шо пӱрт.
Тел. 8(8362) 45-22-82(факс)



Юзо теле да мый

Конкурс

Алина ден Валерия
ПОРФИРЬЕВАМИТ.
Марий Турек посёлко.

Кира ЯМБАРШЕВА.
Шернур, Кукнур.

Азалия ПИМЕНОВА,
Марианна ШВАЛЁВА.
Морко посёлко.

Пример-влаклан вашмутым муза.

Шотлыза:

90 - 20	●		●	1
48 - 19	●		●	9
37 - 36	●		●	72
55 - 18	●		●	36
76 - 67	●		●	22
80 - 42	●		●	49
95 - 23	●		●	66
81 - 45	●		●	29
56 - 7	●		●	70
93 - 27	●		●	34
51 - 29	●	●	37	
64 - 30	●	●	38	

8 ойртемем кычалза.

Гавришлын
кумылжо
волен. Ту-
ныктышо
йодде ыш чыте:

- Гавриил, мо лийынат? Маче отат шыргыж.
- Артём мыйым мыскыла. Мый «продвинутый чубак» улат манеш, - тебете шортын колта.
- Миде пеш ушан, тале рвезе манмым ончыкта, - туныктышо улылтара.

Гавриил шыргыжале, а
Артём парт кок-
лашке верланым.



Интернетысе сүрет-влакым кучылтмо.